

essentia est principium, & ratio agendi, at essentia de se communis est, & indifferens omnibus individuis possibilibus illius speciei. Ex quo patet ratio, cur de Deo singularissimo possit dari scientia, qua ipse essentia est de se hoc, nec est pluribus communicabilis cum sui divisione, unde passiones, vel quasi passiones de ipso per se primo, & immediate demonstrantur: quae ratio militat etiam de Intelligentiis in sententia Aristot. ponentis illas necesse esse, & de se hoc.

35 Objic. de facto multae demonstrationes conscribantur de singularibus ut singularia sunt, nam demonstratur eclipys de Luna, & Sole, ut singularia sunt, quia ostenditur ut hic, & nunc, & in tali tempore, quae sunt conditiones individuanes. Tum 2. quia de singulari in se demonstratur unitas, distinctio, &c. & haec unitas, & haec distinctio numeralis non nisi ab individuali differentia provenit, ergo intellectus concipiens haecceitatem Petri distincte potest demonstrare de Petro habere unitatem, & haec distinctionem numeralem. Tum 3. quia collectio accidentium convenit individo ut sic ex Porph. e. de specie, ergo poterit de ipso demonstrari. Tum 4. ex Met. 11. habetur non posse sciri antequam ad individua veniatur.

Resp. demonstrationes illas, quamvis in numero singulari conscribantur, revera esse de speciebus Lunae, & Solis, nam est aliter Luna, & aliter Sol non essent essentia in illis sitibus, & cum illis aspectibus, iidem numerent effectus, & eclipys. Ad 2. unitas numerica in universalis demonstratur de singulari in esse signato, quomodo induit rationem speciei, nec est verum hanc unitatem, qua Petrus est idem sibi ipsi, & ab alio distinctus, ita necessario ab haecceitate Petri provenire, ut alia consimilis non poterit emanare, sed solum a prima causa determinatur ad hanc numerum unitatem, ut diximus in Phys. disp. 8. quae 2. art. 3. Ad 3. collectio illa vere non est passio, cum sit plura praedicata, non unum, dicitur tamen passio large, quatenus per ipsam circumscriptibus haecceitatibus, & absolute reperiri poterit in alio individo. Ad 4. exponit Doct. in Met. 11. individua, quod non intelligatur singularia, sed vel species specialissima, quatenus non est amplius per essentiales differentias divisibilis, vel genus supremum, quod est indivisibile in alia priora, vel propositio immediata.

Ex his omnibus deducas habere quid rei in sensu explicato esse unum ex praecipuis conditionibus subiecti, quia quod habet potest innuere rationem subiecti, & quod non habet, excluditur ab ipsa.

ARTICULUS IV.

An subiectum debeat primo continere virtualiter omnes veritates scientiae

36 Solutio qu. 3. pro B. definitio subiectum adequatum scientiae est, illud esse, quod continet in se primo virtualiter omnes veritates illius habitus, cuius est subiectum; pro cuius nota advertunt Scotus, quatenus per ipsam circumscriptibus haecceitatibus, & absolute reperiri poterit in alio individo. Ad 4. exponit Doct. in Met. 11. individua, quod non intelligatur singularia, sed vel species specialissima, quatenus non est amplius per essentiales differentias divisibilis, vel genus supremum, quod est indivisibile in alia priora, vel propositio immediata.

Advertunt etiam, quod multiplex est contentia, alia essentialis, quae unum continet alterum in primo modo dicendi per se, alia est potentialis, quae superior continet inferiora, alia est virtualis, quae unum continet aliud in esse producibili ab ipso; & quia duplex est esse, scilicet, reale, & cognitum, hinc duplex est virtualis contentia, una, quae aliquod potest aliud in esse reali producere, altera, quae potest producere in esse cognitum, & tandem quae reale est duplex, Physicum, & Metaphysicum, primum est realitatis distincta, secundum est quaedam formalitas pulchans ab alia, sic duplex est contentia virtualis in esse reali, vel Physica, vel Metaphysica; modo subiectum nequit continere proprias passiones contentia virtuali in esse reali Physico, nam a subiecto ex disp. 5. quae 2. art. 1. realiter non distinguuntur, sed contentia Metaphysica, quia vere ab essentia subiecti pullulant ex dictis in Physico disp. 7. quae 2. quaritur ergo an subiectum debeat continere virtualiter in esse cognitio omnes passiones de ipso demonstrabiles in scientia, ubi non loquimur de objecto materiali, sed de composito ex materiali, & formali, quae unum completum subiectum scientiae integraret, ut supra diximus art. 1. (ut objectiones Gaetan. diluamus tribuunt Scoti, ipsum loqui de materiali objecto) non quod tale objectum totaliter sine Dei, & intellectus concurrat eade ex se totum passionis in intellectu, & male interpretatur Anim. quae 4. prol. De actu nostro, sed partialiter, & in ratione objecti, nam intellectus ex objecto, & potentia signatur, supposito divino concursu ex Scot. 1. d. 3. quae 7.

37 Ocham cum suis nominalibus in prol. sent. negat subiectum continere virtualiter passiones in esse cognitio (immo negat etiam in esse reali, sed procedit ex eo, quod agens Physicum cum Metaphysico agente confundit, putatque ad quamlibet continentiam requirit distinctionem realem, quod est falsum) Communis sententia est affirmativa cum Scotocic. sed est dissidium apud Scotistas, si haec conditio debeat convenire solum subiecto specifico, quae est species specialissima, an etiam subiecto generico, quod est genus quodlibet, vel aliquod transcendens, nam aliqui indistincte loquentes videntur universaliter loqui, tam de specifico, quam de generico, ut Can. 1. Phys. quae 1. 1. Tat. quae 3. proem. Log. Orbellus in princ. Phys. Smissin. quae 2. proem. Theolog. num. 47. ex eo, quod negat subiectum genericum, & dat solum specificum, sed

praesertim Brasav. quae 3. Univ. & quae 1. quod de mente Scoti asserit definitionem in prol. allatam convenire utriusque subiecto, licet postea solum in modo loquendi differat ab aliis Scotistis, qui volunt hanc definitionem, vel conditionem assignatam esse subiecti speciei, non generici, nisi respectu proprium passionum, quas virtualiter continet, passiones vero suorum inferiorum, non nisi potentialiter, ita Barg. super quae 3. prol. qui Paulum citat, & Lich. Faber Theol. 5. Zerb. 1. Met. quae 2. estne Averro. in prol. quod de subiecto Theol. art. 1. & Amic. tra. 27. disp. 4. qu. 2. d. 7.

38 Dicitur, subiectum proprie loquendo virtualiter continere in esse cognitio tantum passiones de ipso immediate, & primo demonstrabiles in scientia, sive genericum sit, sive specificum, & per consequens omnes veritates illius scientiae, at passiones inferiorum non nisi potentialiter. Concl. quod primam partem est Doct. cit. & alius in locis adducendis, & probatur ab ipso, quia propositiones, quae in demonstratione assumuntur, aliae sunt immediatae, ut principia, aliae mediatae, ut conclusio, in illis continetur causa inhabitans passiones in subiecto, quae est definitio subiecti, in illa continetur ipsa passio de subiecto demonstrata, ergo subiectum est causa, cur illae veritates cognoscantur, ab intellectu, patet, quia per suam speciem repraesentat definitionem, quam essentialiter continet; haec autem, cur passio cognoscatur, ergo virtualiter in esse cognitio continet omnes veritates scientiae, nam definitio non est ratio quae continens, sed ratio quae subiectum continet. Tum quia subiectum est causa adaequata habitus, sicut est primum in scientia primaritate adaequationis, ergo debet virtualiter in esse cognitio omnes veritates continere de ipso in scientia consideratas.

Secundo, quod subiectum genericum passiones inferiorum potentialiter tantum continet, est Scoti 6. Met. quae 1. & probatur evidenter, virtualiter primo continere veritates in scientia esse per quod quod est potest subiectum causare notitiam veritatis concipiendis, & habitudinis passionis ad proprium subiectum; sed genericum subiectum per suam definitionem non potest esse causa, cur passiones inferiorum de ipsis demonstrantur, ergo, &c. major patet ex Scot. in prol. cit. ubi ait continere primo virtualiter essentia independens esse in continendo, ut circumscripto omnia alia adhaec continet, & nihil aliud continet, nisi per rationem eius, ut corpus naturale ita continet mobilitatem, ut circumscripta quocumque specie corporis naturalis, etiam omnibus simul, adhuc continet, & per suam definitionem poterit de ipso demonstrari, & inferiora non nisi per rationem corporis naturalis continere mobilitatem in communi, minor patet, quia per rationem corporis naturalis, ut si seque circularis mobilitas v. gr. de Caelo demonstrat, aliter omnibus corporibus convenit.

39 Dices cum aliquibus Scotistis, verum esse genus potentialiter continere passiones inferiorum, sed ut sic non tribuere unitatem habitui, sed solum ut continet proprias demonstrabiles per se primo de ipso, per se secundum de inferioribus.

Haec responso coincideat cum opinione Smissin. negans divisibilem subiecti in totale, & partiale, sicut in scientia consideras speciem aliquam generis non est pars scientiae de genere, nec ita connexionem habet cum illa, sicut nec objecta, nullum est partiale objectum, unde non recte corpus naturale dicitur subiectum in tota Philosophia, nec ens in tota Metaph. nec syllogismus in tota Logica, neque Philosoph. ut Metaphysica, vel Logica, Mathematica, & universaliter qualibet scientia diceretur una scientia, & male in initio Philosophiae, Logicae, Metaphysicae, &c. insinueretur quaestio de subiecto ipsorum, sed solum queri debet subiectum illorum librorum, vel illius libri, qui primo explicandus occurrit contra omnes Doctores, ut etiam dicemus sequi. Quia propter ex ipso, quod admittimus genus aliquod pro subiecto in aliqua totali scientia, debemus etiam asserere de ratione subiecti scientia non esse continere virtualiter omnes veritates illius scientiae, sed virtualiter proprias, potentialiter illas inferiorum.

Possumus in concl. ly proprie loquendi, nam si velimus extendere continentiam virtualem, & illam dividere in immediatam, & mediatam, seu in proximam, & remotam, & hanc sumere per potentialiter, ut facit Bras. & videtur etiam Doct. in 3. d. 25. quae C. & d. 36. quae 1. un. L. ubi continentiam virtualem in hoc sensu tribuit subiecto generico, & citat se in 6. Met. quae 1. quod loca continentiam generici subiecti ait esse virtualem, & potentialem, sic nulla erit nisi de nomine dissensio.

40 Objic. 1. ostendendo subiectum non continere virtualiter notitiam passionum. Tum quia entia rationis circa suas passiones non habent activitatem aliquam, ut possint illas producere, in esse cognitio, vel reali; eodem modo se habet ratio realis, quae non est de genere adorum, unde nequit concurrere ad productionem proprium passionum, neque ad eorum notitiam, cum non sit objectum motuum intellectus. Tum 2. esse eclipys est passio Lunae, & tamen a Luna non continetur virtualiter, quae ad cognitionem eclipys requiritur cognitio terrae, quae in causa ad eclipys concurrat, at terrae notitia non continetur virtualiter in Luna; esse quoque beatificabile est passio hominis, & tamen ex quidditate hominis non cognoscitur, aliter posset virtus naturae cognosci ipse Deus, qui est terminus huius passionis, nequit enim cognosci relatione aliqua, nisi cognoscatur terminus ipsius relationis. Tum 3. evidentia veritatis concl. non solum pendet a subiecto, sed etiam a praedicto, & a premissis, ergo nequit primo, & adaequate contineri in subiecto. Tum 4. loquuntur in demonstratione a posteriori effectum esse subiectum, quia est id, quod virtualiter continet veritates.

veritates. Tum 5. si ex hoc, quod causa virtualiter continet effectum in esse rei, continet etiam in esse cognitio, ergo ex notitia Solis incomplexa poterit haberi notitia omnium effectuum a Sole producibilium, quod est falsum. Tum 6. subiectum comparatur ad scientiam, sicut objectum ad potentiam, sed hoc ponitur primum, & adaequatum penes primitiam communis, non contentia virtualis, ut patet de colore respectu visus, qui de omnibus objectis visibilibus praedicatur, & ens de omnibus objectis intellectus; ergo &c. quod etiam servatur non solum in objectis praedictis, sed etiam in subiectis scientiarum, nam in Geometria est linea, in Arithmetica numerus, in Metaphysica ens, quae de consideratis in illis scientiis praedicantur.

41 Resp. ad 1. patet ex disp. 3. quod entia rationis suo modo habent causalitatem erga proprias passiones, revera tamen fundamentum entis rationis est, quod causat notitiam entis rationis, & haec notitiam passionis ipsius, quia ratione dicitur, ens rationis, ut cognitum causat notitiam passionis; ratio realis non est activa physice, sed metaphysice, & non causat notitiam passionis proprie; nisi ut cogita, ut de ente rationis diximus, eo quia non est objectum motuum intellectus, sed terminatum. Ad 2. eclipys habet, sicut continetur virtualiter in Luna quoad esse reale, ita quoad esse cognitum, at tamen quia ordinem dicit ad terram, vel aliud corpus opacum in esse reali, ita quoque in esse cognitio dependet ab illo, ex quo solum sequitur, Lunam non esse causam adaequatam cognitionem terrae, sed requirit cognitionem terrae, non tamen deditur in Luna virtualiter non contineri, ut in subiecto, quamvis in terra continetur tanquam in causa, non tanquam in subiecto; beatificabilitas nequit cognosci cognitio hominis essentia, eo quia ordinem dicit ad Deum, ut ad terminum, quia ratione non continetur hoc objecto naturalis attingentia intellectus creato, quod est ens finitum, cuius terminus non est Deus, ex Scot. quod 1. ex 3. negat, non enim dicimus subiectum esse causam totalem cognitionis conclusionis, nam praedicatum, & praemissis concurrunt, sed dicimus subiectum primo continere, quia non solum est causa veritatis conclusionis, sed etiam veritatis principiorum, quatenus ultimate omnia continet tam praedicatum concl. quam principia. Ad 4. neg. seq. quia effectus in illa demonstratione non est subiectum, sed medium, & principium quae cognoscendi. Ad 5. tunc ex cognitione causae devenimus in cognitionem effectus virtualiter in illa inclusi, quod effectus se habet ut passio causae, nam tunc est cognitio virtutibus causa causa, a principis ipsius emanat, nec in altero potest reperiri, nisi in sua causa, quare exemplum Solis non urget, quia non se habet ut subiectum respectu effectuum ab ipso produci bilium, & aliae concausae requiruntur, effectus non in Sole, sed extra reperuntur, nec necessario a principis fluunt ipsius, quamvis si quis perciperet virtutem internam Solis productivam effectuum, vellet huiusmodi in cognitionem effectuum devenire.

Ad 6. Doct. in prol. cit. negat omnimodam partietatem, licet enim conveniant in hoc, quod ambo terminant actus potentiae, & scientiae, & in aliis conditionibus, ut esse videre apud Basill. at tamen differunt in hoc, quod proportio objecti ad potentiam est motiva ad mobile, seu agens ad passum, ad subiectum se habet ut causa ad scientiam ut ad effectum; hinc quodlibet objectum inclusum in objecto primo, & adaequatum poterit agere in potentiam, quia quando agens potest agere in aliquod passum, quodlibet agens eundem rationis poterit in illud passum agere, & istud a quolibet agente eundem rationis potest pati: at non sequitur illud de subiecto, quod si subiectum est causa habitus, quodlibet inclusum in subiecto potest causare eundem habitum: ad exempla adducta, dicimus illa objecta esse communia objectis partialibus, & non solum ut sic dicuntur subiecta, sed etiam ut alia considerata in scientiis ad illa reducuntur, ut sunt passiones, & principia, quapropter assignantem ad inferiora, sed ut habent illam praedicationem communem ad inferiora, ut patet in continetia virtualiter proprias passiones, & praedicta: vide P. Fabrum theol. 5.

42 Secundo objic. ostendendo se mente Scoti, quodlibet subiectum virtualiter continere debere omnes veritates scientiae, & non alias potentialiter. Tum quia in 3. d. 14. qu. 2. H. habentur haec verba, *Unde etiam contra per Philol. 11. d. 25. ubi dicit, quod oportet maxime cognoscere de subiecto quod est, & ratio est, quia in ratione, & quidditate subiecti virtualiter includitur tota ratio scientiae, tunc sic, quicquid est ratio, propter quam aliquid infert alteri, convenit omnibus illi, cui illud infert, ut quicquid est ratio divisibilitatis, inest formaliter illi, quod est illi divisibile, ex 2. d. 3. q. 4. G. sed ratio propter quam debemus de subiecto praecognoscere quod est, est inclusio virtualis totius scientiae in objecto, ergo de quocunque affirmabitur, quod de illo fit praecognoscendum quod est, de illo etiam praecognoscitur de quocunque subiecto sive specifico, sive generico, sive, ait Doct. quod una est scientia assignatur penes objectum, quia hoc modo distinguenda scientiae, illa est una, quae est unius subiecti primi, quatenus subiectum primum habet omnem scientiam illam virtualiter idem habet quae 7. eundem dist. in fine, & supra L. ergo si unitas scientiae penes virtualem continentiam subiecti attenditur, cum tribuere distinctionem, & unitatem scientiae competat etiam subiecto generico, istud non potentialiter, sed virtualiter omnia continere: idem docet 3. d. 25. quae 2. C. Tam 3. quia quod 7. N. docet primum principium continere virtualiter, & eminetur ve-*

ritates omnium posteriorum, non tamen oportet, quod possit esse causa immediate cognoscendi quocunque posterioris; & 1. dist. 3. quae 2. in primo extra inquit, quod quicquid probatur de Deo in Metaph. continetur virtualiter primo in ratione entis; & quae 3. 9. *Quantum ad 2. art.* ait ens virtualiter continere passiones, & ultimam differentiam, & licet M. exemplum coloris, qui virtualiter includitur in differentis, & passionibus coloris.

43 Resp. ad 2. quod sicut ratio generici subiecti praecognoscitur debet respectu passionis ipsius subiecti generici tanquam medium adaequatum ad demonstrandam passionis inharentiam, at respectu passionis alicuius speciei solum debet praecognosci ut medium inadaequatum, quatenus est pars definitionis illius speciei; sic alia, & alia debet esse inclusio generice, & specificae passionis, illa virtualis, haec potentialis: Doct. itaque vel sumit virtualem continentiam large, vel & melius, ubi loquitur de scientia unius passionis inharentis subiecto, ut se declarat, quare loquitur de subiecto specifico, vel de generico in ordine ad proprias passiones, Ad 2. eodem modo resp. nam praecipue quae 7. cit. in fine loquitur de specie specialissima, quae non nisi virtualiter continet passiones, & habitus istius speciei sumit ab ipsa unitatem secundam virtualem solum continentiam tribuere unitatem scientiae, nec Philosophia, nec Metaphysica, immo nulla scientia ex adinventis diceretur una scientia totalis, sed omnino multiplex, praeter Theologiam, quae est de objecto singularissimo, ut arguitur, eo quod genericum nequit virtualiter passiones inferiorum continere: Quid magis patet ex locis adductis in 3. ratione, nam in quod 7. nequit intelligi ut notat Zerb. cit. de contentia virtuali propria, quia sic possent per primum principium immediate cognosci posteriora, si quod per quidditatem speciei immediate cognoscitur passio specifica, nam proprie in illa virtualiter continetur, quapropter haec virtualis contentia apud Doctorem aliquando lumitur proprie alienando ut communis ad virtualem proprie, & ad potentialem, & dicitur virtualis, quia ratio generis saltem partialiter concurrat ad cognitionem specificae passionis; sapientia tamen de virtuali loquitur, quia Theologicum objectum hoc modo solum continet proprias passiones. Hinc concludendum, definitionem datam a Scot. prol. qu. 3. esse subiecti speciei, nam ex colligitur ex textu, loquitur de contentia virtuali propria; quod etiam patet in qu. seq.

Sed novissime Poncius disp. 2. Log. nu. 12. & 18. ut ostendat de finitionem subiecti ex Scoto adductam, quod virtualiter continere omnes veritates scientiae, etiam generice competere, ait sensu illius nequaquam esse, quod secundum se, & seorsum suam rationem praecise continet veritates totius scientiae; neque enim fatendum se solum debet illas continere virtualiter, ut se solum cum intellectu possit omnes illas causare, impossibile enim est, (inquit) quod ens, ut sic, quod ponitur objectum adaequatum Metaph. continet omnes veritates metaphysicas, praesertim illas, quae habentur de Angelis, sentis ergo illius est, ut magis explicat nu. 18. quod objectum adaequatum debeat continere virtualiter omnes veritates scientiae, cuius est objectum, non secundum se, & sua praedicata intrinseca, sed secundum se, & omnia illa, quae sunt ad ipsum reducibilia commode: Ceterum expositio ista contra Doctorem intentionem, & litteram palam militat, nam loc. citat, explicans quid intelligat per continere primo virtualiter, inquit idem significare, quod continere independentem ab aliis in scientia consideratis, & secundum suam rationem precise, & adaequate, sic quod in continendo non dependet ab aliis, sed alia ab ipso, ita ut per impossibile circumscripto omni alio adhuc contineret, ut dicitur ab initio articuli iuxta communem omnium Scotistarum expositionem; non ergo recedendum est a sententia nostra, quam etiam tradiderunt postiores Scotidae, quod Doct. ubi subiectum specificum definit, non genericum, licet extendendo continentiam virtualem possit etiam quosum pacto illa definitio applicari subiecto generico modo infirmata supra num. 39.

ARTICULUS V.

An subiectum debeat esse necessarium.

44 Diximus quae praeced. explicando 2. & 4. conditionem scientiae, debere scientiam esse necessarium non necessitate simpliciter, quae quod ipsa semper reperiri debeat in rerum natura, & nunquam corrupti, sed necessitate secundum quid, scilicet, quoad veritatem, ut non possit ullo pacto in falsum mutari, quam necessitatem complexam appellamus, quia est necessitas propositionis, & habitu necessaria inter subiectum, & praedictam conclusionem demonstrare. At tamen quia scientia omni conditionem sumit a proprio subiecto, sequitur, subiectum quoque debere dici necessarium, invariabile, & incorruptibile, quia ratione communitur asseritur de corruptibilibus non dari scientiam ex 1. Post. cap. 7. & 6. Ethic. cap. 3. hanc necessitatem subiecti, & invariabilitatem explicare debemus, quemam fit, currum est enim esse distinctam a necessitate scientiae, haec enim causatur ab illa, estque alicuius complexi, scilicet scientiae, illa vero est incomplexi, qualis entitas subiecti.

Mirum est, quam varie loquantur Doctores in re tam evidenti, ut notat Averro. quae 26. Log. lect. 4. Quidam enim dicunt, subiectum scientiae debere esse necessarium, & incorruptibile in universalis, non in particulari, vel per se, non per accidens, vel in potentia,



